



Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Sanctimoniales, quæ a Regibus in vxores acceptæ, & Reginæ factæ, in ea dignitate obierunt. c. XVIII.

urn:nbn:de:hbz:466:1-38397

*Sanctimoniales, quæ a Regibus in uxores acceptæ, et
Regina factæ, in ea dignitate obierunt.*

Cap. XVIII.

Nantilda ex incerto, Francia.



ANTILDA, Landegisilli Magistri Equitum soror, a Dagoberto primo, Franciæ Rege, ex quodam Galliæ cœnobio raptâ, eidem pluribus annis sacrilego concubitu adhæsit; nulla re alia laudanda, præter quod virgines sanctissimas Christi, & Sanctimoniales, Irminam; & Adelam pepererit.

Obiit anno Domini 649. *Ammonius de gest. Franc. lib. 4. c. 40. Belfo-
regius in annalib. Franciæ, lib. 1. c. 32. 34. & 36. & alij.*

Anonyma, ex Vinburnensi, Angliæ.

ANONYMA quædam, Sanctimonialis monasterii Vinburnæ, quod a S. Cuthburga Regina constructum fuerat, ab Aethelbaldo Angliæ Rege anno Domini 858. ex monasterio suo corruptione capta, matrimonio sibi copulatur. Quam ob rem iusto Dei iudicio percussus, non longe post ex hac uita substractus est. *Matthæus Westm. ad annum 901. & alij.*

Oda, ex Caluensi, Polonia.

ODA, Theodorici Marchionis Stadenfis & Vuetini filia, ex monasterio Caluensi, ubi Sanctimonialem agebat, educta, in secundis nuptijs copulatur Mesiconi Poloniæ Regi (quem alii Ducem appellant) & tribus liberis ex eo susceptis, viro mortuo cum filiis de regno expellitur a Boleslao priuigno, anno Domini circiter 1000. *Joannes Pistorius Nidanus in familijs Regum Poloniæ, & auctor familia Stadenfis.*

Oda, ex Rintelensi, Russia.

ODA, Lupoldi nobilissimi Equitis, & Idæ Leonis Papæ IX. & Hærici III. Imperatoris, Neptis, filia, a prima ætate à parentibus in monasterio de Rintelen Deo deuota & sacrata, sed inde postmodum translata Russorum Regi coniunx data est: conceptoque filio Vuarulao, cum eodem post uiri mortem, mores gentis exola, ad matrē reuersa est, floruit anno Domini 1080. *Crantzius in metropoli, lib. 1. cap. 37.*